

**SOL MS MAKHANYA, INHLOKO NELISEKELASHANSELA  
INYUVE SI YASENINGIZIMU AFRIKA  
SIFUNDVO SESIBILI SESIFUNDZA SASELIMPOPO NGA-OK MATSEPE  
“KUPHILA, KUPHEFUMULA NEKWENTA BUNTFU, SITFUNDZA  
NENHLONIPHO NGEKUMELANA NELUDLAME LOLUHAMBISANA  
NEBULILI: KUBUNGATA IMINYAKA LENGU 88 YEMSHIYANDVUKU  
WA OK MATSEPE”  
POLOKWANE  
13 MASHI 2020**

Mphatsiluhlelo, ase ngivakalise kubonga ngekunginika litfuba lekutsi ngiphindze ngikhulume kulombsano lohloniphekile, sifundvo sesibili sesifundza sekuhlonipha umbhali lomkhulu weSesotho sa Leboa, Mnu Oliver Kgadime Matsepe.

Njengenyuvesi siva sitigcabha ngekuba yincenye yaHulumende weSifundza saseLimpopo ekuhlonipheni letinhlamvu letinkhulu tase-Afrika.

Sitiva sihlonishwe kakhulu kuvula indzawo yetemfundvo lenkhulu eveni lakitsi – sifundziswa lesineshisakalo sase-Afrika leso, ngekwaso, sivule tindlela tetihlakaniphi tase Afrika letingaphumuli – Solwati Malegapuru Makgoba. Ekubukeni sifundvo salomnyaka, ngifuna kucala lapho ngigcine khona emnyakeni lofile. Kulabanye benu lebebakhona esifundvweni lebesiniketwa nguSolwati Maje Serudu

batawukhumbula kutsi yinye yetinsayeya lengayetfula etilalelini netifundziswa tetfu kukhululwa kwemfudziso ya OK Matsepe ngaphansi kwemincele yetemibhalo. Umsebenti wakhe bewumumatse tifundvo letinkhulu mayelana nensayeya yetenhlalo netepolitiki tangesikhatsi sakhe.

Emizuzwini lembalwa ngifisa kubonisa kutsi, umsebenti waMatsepe uveta tinsayeya lesibukene nato namuhla. Ngetamile kukubonisa loku emyakeni lofile kutsi umsebenti wakhe Matsepe lotindlelanyenti lophindze ube yinkimbinkhimbi unjani, ngisho njengoba bekenta buciko bakhe ngesikhatsi labanye babhali, ikakhulukati babhali labamphisholo, bebangakakhululeki kuveta imibono yabo ngemhlaba ngalokukhululekile.

Ekutameni kuvisisa Matsepe ngiye ngatfola indzawo lapho atalelwe khona, Ga-Sekhukhune, kufundziswa kwakhe bavengeli labaMakrestu, inkholo yakhe yeBu-Afrika nemihambo, nekusebenta kwakhe sikhashana njengemabhalane enkantolo.<sup>1</sup> Kungako ngisho, ngitsatsela kuSerudu naGrobler, kutsi Matsepe bekasemaveni lamabili; lelo kulolunye iuhlangotsi bekuyinkholo yeBu-Afrika, bese kuba timfundziso teBuKrestu kulolunye.

---

<sup>1</sup> Serudu, S.M. & Grobler, G.M.M., 1995. The Novels of O.K. Matsepe. *South African Journal of African Languages*, 15(1), pp. 135–140.

Njengoba Serudu ashо, kutsi simo semsebenti waMatsepe siveta imphilo mbamba yebaholi bendzabuko nemachawe emphi.<sup>2</sup> Ngakulolunye luhlangotsi, Grobler uhlawumbisela kutsi inoveli *Lešitaphiri* (1963), kungenteka Matsepe bekakhombisa umtamo wesive lowaholela eKubulaweni Kwelinyenti nga1960 eSharpeville, lokwaphumela ekuvalwani kwemlomo kwemibutfo yenkhululeko, kusungulwa kweMkhonto we Sizwe, ne “nekumenyetelwa kwenkhululeko” yaseTranskei.<sup>3</sup>

Kulokuhlola lokufishane kwasikhatsi nalokwenteka lokwavela emfundvweni yaMatsepe, singavuma kutsi waba ngumkhicito wemmongo wakhe, wabunjwa ngiwo, kanjalo, wawubumba; ngekuwenta uphile.

Njengoba Ngūgī wa Thiong'o aphawula: “Umbhali njengemuntfu naye ngekwakhe ungumkhicito wemlandvo, wesikhatsi nendzawo. Njengelilunga lemphakatsi, welicembutsite inendzima lanete ayibalekele emzabalazweni wemacembu angesikhatsi sakhe”.<sup>4</sup>

Njengoba sibuka imphilo yaMatsepe, ikakhulukati njengetifundziswa talelivekati leto umlandvo wato, imihambo, emasiko, ngisho

---

<sup>2</sup> Serudu, S.M., 1982. Towards an Understanding of Matsepe's Character Deliniation. *South African Journal of African Languages*, 2(3), pp. 71–89.

<sup>3</sup> Grobler, G.M.M., 1993. Solving the Insoluble: O.K. Matsepe's Lešitaphiri and the Signs of our Times. *South African Journal of African Languages*, 13(2), pp. 44–47.

<sup>4</sup> wa Thiong'o, N., 1981. *Writers in Politics*. London, Ibadan, Nairobi: Heinemann, p. 72.

netimfundziso kuchubeka kubukelwa phansi, sibukene nebumatima bekutsi sibalekele timo letimbili letehlukene kakhulu. Kwekucala kutsi sisebentise indlela yekubhala ngemphilo yebungcwelengcwele ebaholini nakubongcongcondvo betfu, lapho siyaye sinikete inhlonipho lenkhulu lengakafaneli kube kwangatsi bebangcwelengcwele.

Lenyeinceye lehlehle kakhulu kulahla baholi nebabhali betfu njengalokungatsi bebaveta sidzala ekukhulumeni nesemibhalweni yabo, sibacatsanisa netindlela tekuhlaba tesimanje tebukoloni. Insayeya lesibukene nayo kukhulula lokujula lokubhace emibhalweni yaMatsepe – sibe sikwenta ngenhlonipho.

Njengoba Serudu naGrobler baveta lokwenetiwe, Matsepe bekungumbhali lojulile loyo emanove akhe “lebekafuna kutinikela lokuphelele kwemfundzi nekutibandzakanya lokuphilako uma ngabe afuna kuvumbulula tonkhe timondzaba nekuchaza kubaluleka kwembiko wato emhlabeni wonkhe”.<sup>5</sup>

Imibhalo yakhe beyinkimbinkimbi iphindze iphatamisa, iphula sakhiwo sebabhali baseAfrika bangembi kwesikhatsi sakhe ngekuveta tihloko letitsetfwe eBhayibelini, ngaleyondlela asebentisa indlela

---

<sup>5</sup> Serudu, S. M. & Grobler, G.M.M., 1995. The Novels of O.K. Matsepe. *South African Journal of African Languages*, 15(1), pp. 135–140

yekeitiphatso. Njengo ngitewukhombisa ngekuhamba kwesikhatsi, lendlela yekeitiphatso yavela ngenca yeukhatsateka ngetigameka tetimonhlalo letavela lebekatibona.

Ngakulolunye luhlangotsi, waphatamisa luhlobo Iwekubhala lebelihlelekile, kunaloko wasebentisa luhlobo lolungakahleleki; asebentisa kuhleleka kwesikhatsi aphindze “ashintje kulandzelana kwetigameko”. Ngaphandle kwekuphatamisa kuhleleka sikhashana nekwetfula kulandzisa lebekungale kwesikhatsi, Matsepe bekasebentisa timphawu kute akhulumu ngendzaba yakhe. Ku *Lešitaphiri*, Matsepe usebentisa lumphawu lwemfula njengemtfombo wekuthula nekubambisana emkhatsini wemacembu lamabili lalwako.<sup>6</sup> Lapha sitfola kukhatsateka ngebunye emkhatsini webantfu bakhe, laba ngaleso sikhatsi nanjengoba sati, bebahluhaniswe ngekwemabutfo yebukoloni.

Acatsanisa loluphawu lwemfula nalelo leNgūgī wa Thiong'o's *The River Between* (1965), lapho umfula uluphawu Iwekwehlukana nebukoloni lobungakapheleli.<sup>7</sup> Ngalendlela, Matsepe uyincenyé yesikhalo lesifanako sebabhali base-Afrika labakhalela bunye ebantfwini babo.

---

<sup>6</sup> Grobler, G.M.M., 1998. And the River Runs on...: Symbolism in Two African Novels. *South African Journal of African Languages*, 18(3), pp. 65–67

<sup>7</sup> wa Thiong'o, N., 1965. *The River Between*. London: Heinemann

Lenye incenye levelako embhalweni waMatsepe umbono wakhe lonemandla ngemhlaba wonkhe.

Njengoba kuye kwaboniswa ekucaleni, Matsepe bekangumkhicito we “sikhatsi nendzawo”. kantsi, kuye kwaboniswa futsi nguNgūgī, kuyindlela lengenakubalekelwa kutsi babbali, ikakhulukati base-Afrika, kumele baphawule babeke imibono yabo ngemmongo, ngisho nome bangakhetsa kungabi tishoshovu tepolitiki.<sup>8</sup> Nome, endzabeni yaMatsepe, ngisho nome ngabe ingeke ichazwe ngekwepolitiki, uma kucatsaniswa, asitsi, umuntfu lonjenga Ngūgī, loyo umbono wakhe lonemandla watiwa kakhulu.

Kubukeka kwangatsi Matsepe sewunembono lomubi ngemphakatsi.

Njengoba Serudu aphawula: “kuye umhlaba ugcwele bubi, kukhohlakala nekufuna kutsatsa konkhe. Bantfu sebalahlekelwe ngumcondvo welokuhle nalokubi. Ngaphandle kwekutsi bantfu batimisele kuphila ngekuthula nalabanye, kute litsembo lekuhlala ngekuthula emhlabeni”.<sup>9</sup>

Ake silalele Serudu aphawula ngembono waMatsepe ngemhlaba:

Ngulemibono engcondvweni yami lementa (Matsepe)<sup>10</sup> abe ngulomunye webabhalu labahamba embili eAfrika esikhatsini

---

<sup>8</sup> wa Thiong'o, N., 1981. *Writers in Politics*. London, Ibadan, Nairobi: Heinemann, p. 73

<sup>9</sup> Serudu, S.M., 1990. O.K. Matsepe's Worldview: An Appraisal. *South African Journal of African Languages*, 10(2), pp. 41–51.

<sup>10</sup> Emphasis in parenthesis added for clarity

setfu. Umbono wakhe emtfwini naseluntfwini uwonkhe uyavisiseka kangangekutsi sihloko saloluhlobo ngete safaka wonkhe umuntfu. Lokuphawulekako liciniso lekutsi umsebenti waMatsepe bewubuke ummango wakhe iKopa, noma kunjalo akukho kungabata kutsi lombono uyasebenta yonkhe indzawo. Kulesihloko ngitawubuka umbono waMatsepe ngalokuhlobene naNkhulunkhulu nabonkhulunkhulu; inkosi nebantfu bayo; iuhlobo lwemuntfu nebantfu bakubo; imphilo nekufa: umshado nesehlukaniso. Ngiyetsema loku kutawususa lamanga latsi tilwimi tase-Afrika atinayo imibhalo.<sup>11</sup>

Kubalulekile kuphawula kutsi Serudu wenta lokuphawula ngaMatsepe nga 1990; mayelana nendvodza leyabhala emkhatsini wa 1954 na 1974. Beyimikhulu kangakani imibono yakhe lemisha, nekutsi ifaneleka kangakanani kitsi namuhla!

Kungulapho Matsepe akha imibono lengasimihle ngabo ma 1950s, kudzimate kuyofika kubo ma 1970s, Serudu wahlatiya leyo mibono nga 1990, esikhatsini lapho live beselitewutfola inkhululeko. Matsepe waveta umbono wakhe longasimuhle ngesikhatsi bantfu bakhulumu ngembono wabo ngelikusasa lelincono, lapho labasikati bamashela e-Union Buildings, bamemeta: “*Wathint' Abafazi, Wathint' Imbokodo!*”

---

<sup>11</sup> Serudu, S.M., 1990. O.K. Matsepe's Worldview: An Appraisal. *South African Journal of African Languages*, 10(2), p. 41–51.

Serudu wabhalo ngaleso sikhatsi lapho ematsema assetulu kutsi “inkhululeko isemnyango”, nekutsi nakanjani bonkhe batawukhululeka.

Loku kuletsa ingcikitsi yalesifundvo, lapho Solwati Makgoba atawuchaza nge: *Ngekuphila, Kuphefumula Nekuphila Buntfu, Sitfunti neNhloniphlo neKumelana Neludlame Lolumayelana Nebulili:* *Kubungata Iminyaka lengu 88 yeMshiyandvuku wa-OK Matsepe.*

Njengabo bonkhe babhali, Matsepe atfutfukise, wahluta umbono wakhe ngetenhlalo ngekuhamba kwesikhatsi. Kungalapho kungenteka kutsi bekalwisana nekuvetwa kabi kwalabasikati kumanoveli akhe asekucaleni, ku *Kgati ya Moditi* (1974), lomsikati, Mmatshepho, uveta njengalowo lonemandla lolwela indzima yakhe yebuholi – kuba ngushifu. Kungako, ekugcineni kwemsebenti wakhe wekubhala ngisho nempilweni yakhe lucobo, Matsepe kungashiwo kutsi uye wacala sehluko lesisha; lekunguleso lesibukana ngco nesigwebonchanti nelubandlululo.

Lengucuko yaMatsepe ekwenteni badlali nekukhombisa kwakhe enovelini lefanako lapho abukana ngco nenkholelolite ngelabasikati – *Kgati ya Moditi* – lapho aphonsa insayeya ngenkholelolite mayelana nalabo labanelibala lelimhlophe. Lokukhombisa nguMatsepe

emibhalwenni yakhe yakamuva ematfuba langekulinganiswa eluntfu ekubukana ngco naleyo mikhuba leveta lokubi kakhulu kwemvelo.

Siphila sikhatsini lapho emaphupho ebomake wetfu, Kumasha Kwalabasikati banga 1956, anyatselwa kuhlesela kwelubandlululo Iwemadvodza kulabasikati kudvunyiswa kwabokhokho labadvuna lokuvela ngeludlame Iwebulili, ikakhulukati kulabasikati.

Mphatsiluhlelo, sifundza ngenhlitiyo lebuhlungu nangemahloni ngempelasontfo lapho Kutlwano Masilo Ioneminyaka lengu 22, aye wabasisulu sekudlwengulwa, wadutjulwa emahlandla lasiphohlongo e-Etwatwa, eGauteng. Sizatfu ngalokucacile bekukumthulisa kwekutsi anganiketi bufakazi ecaleni lalabo labasolwa ngekumdlwengula. Leti nguletinye tindzaba, letibikwako kodvwa letinyenti lato akubikwa ngato, lokukuhlushwa kwabomake bahlushwa ngemadvodza.

Kuphindzisela emuva nekuhlasela tinzozo tenkhululeko kulibala lelibi ebusweni baloko lokumele kube live lelihle. Simo salabasikati kulelive, naloko lokuvako uma ufundza, ulalela aphindze acabanga ngalesihluku, kungaveta umicondvo lemubi lowo Matsepe ayiva mayelana nenkhohlakalo yekutiphatsa layibona ngisho nangaleso sikhatsi.

Sibofakazi bekutibonela labadzabukile ekuphulweni kwaloko lokusasele kwencenyana yekutiphatsa ne *Ubuntu* lesitigcabha ngako njengebantfu. Singakhuluma njani ngefilosofi ye *Ubuntu* lapho bomake wetfu, bodzadzewetfu bantfwana bemantfombatane bangakaphephi, bativa bangakaphephi, kantsi baphila ngekwesaba?

Njengasesikhatsini semzabalazo wetfu wenkhululeko elubandlululweni, akumele sikhatsale ekulweni nekuvuselelwa kweluntfu emphakatsini wakitsi. Kumele silwisane nanome nguluphi luhlobo lwencindzetelo, kuhlukunyetwa nesigwebonchanti. Njenga Matsepe ku *Kgati ya Moditi*, kumele sisukume kute sisekele linyenti labo Mmatshepho, bodzadzewetfu nemadvodzakati etfu labalwela emalungelo abo ekulingana, nekutsi avikelwe.

Kwetfu kumele kube luhlelo loluhlose kubuyisela *Ubuntu* kuwo wonkhe umuntfu. Lapho Unisa singene eluhlelweni Iwekulwisana ngemandla nesihluku seludlame lolusekelwe ebulilini. Lolunye Iwetinhlelo lesimatassa ngalo lolungasemaphetselweni kantsi ngiyetsema, lutawamukelwa Umkhandlu Wenchubomgommo Yekuchashatwa Ngekwebulili. Lenchubomgommo lefaka lokunyenti, lebanti kunoma ngusiphi sikhungo semfundvo lephakeme eveni, siveta ngalokusobala kutimisela kwetfu kulwisana neludlame loluhambisana nebulili.

Ngesikhatsi lesifanako siphotfula Inchubomgommo Yekulwisana Nekuhlukunyetwa Ngekwebulili, sibuyeketa tonkhe tinchubomgommo tesikhungo, kute sakhe tinchubomgommo letihambisanako naletibanti letitasisita kulwisana ngalokucondzile nekusiphula ngalokuphelele nome ngabe nguluphi ludlame lohambisana nebulili.

Kodvwa siyati kutsi tinchubomgommo lettingenalo luhlaka lolubekiwe atisingulutfo. Kungaleso sizatfu lesente kutsi sicale loluhlelo Iwekwakha Sikhungo Sekulingana Ngekwebulili, lolutawuba eHhovisi laSekelashansela. Lelihhovisi, lelitawenta luhlatiyo, kuvikela inchubomgommo, kungenelela kute kuvikelwe tisulu, nekwelulekwa, lutawusebenta edvute neNkhonishana Yekulingana Ngekwebulili.

Siyetsema kutsi lokungelela lokunje kutawunika inchazelolephatsekako nalekhombisa kutinikela kwetfu ekwelisaneni neludlame lolusekelwe ebulilini. Ngalendlela, sitabe sihlanganyela nalabanye ekuhlonipheni umshiyandvuku waMatsepe; kubukana ngco, nekuhlukunyetwa, sigwebonchanti nelubandlululo.

Ngiyetsema njengoba sihlangene lapha namuhla sitawufundza kulumshiyandvuku waMatsepe bese sitimisela kuchubeka nawo siphindze siphila ngawo.

Ngiyetsema nekutsi sitawufundza enhlakaniphweni yaSolwati  
yaMakgoba njengoba akhulumma natsi kulesifundvo sanamuhla.

**Ngiyabonga!**